



INATSISARTUT

Aningaasaqarnermut Nunamullu Namminermt Naalackersuisoq

Ulloq: 6. oktober 2014
J.nr.: 01.31.06/14-00676

Aningaasaqarnermut Akileraartarnermullu Ataatsimiititaliap tallimangornermi ulloq 3. oktober 2014-imi aalajangiineranik Naalackersuisunut ilisimatitsineq

**Ilaasunik, nassiussanik allakkanillu Kalaallit Nunaata iluani assartuussisarneq pillugu
kiffartuunneqarnissamut isumaqatigiissutinik nutaanik isumaqatigiissuteqarnissamut
isumaqatiginninniarnert inernerisa akuersissuteqarfigineqarnerat (Suliaq nr.
01.31.06/14-00676).**

Naalackersuisut **inassutigaaat**,

Naalackersuisut kontop pingaernerup 35.01.05-ip ataani ilaasunik, allakkanik nassiussanillu Kalaallit Nunaata iluani assartuussisarneqarnissamut tunngatillugu suliaqartuusussat ilanngussaq 1-imi taaneqartut isumaqatigiissuteqarfiginissaannut Peqqissutsimut Attaveqarnermullu Naalackersuisoqarfik piginnaatissa-gaat. Isumaqatigiissutinut akiusussat sivisussusissaallu ilanngussaq 1-imi immer-sussamik allaaserineqartutut issapput.”

Aningaasaqarnermut Akileraartarnermullu Ataatsimiititaliap oqaaseqaatai

Suliaq ataatsimiinnermi immikkut ittumi ataatsimiititaliamit suliarineqarnissaanik Naalackersuisut kissaataat malikkumallugu piffissami siuliani taaneqartumi ataatsimiititaliap qin-nuteqaat suliaraa. Naalackersuisut inassuteqaataat qinersisoqarnissaanik nalunaaruteqarto-qarnissaa sioqqullugu tiguneqarpoq. Taamaattumik qinersisoqarnissaanik nalunaaruteqarto-qarnerata kingorna tamanna ataatsimiititaliamit tamakkiisumik isumaqatigiissutigineqarpat aningaasaliissutigut suliaqartuussat taamaallaat suliarineqarsinnaasut ataatsimiititaliamit nalunaa-rutigineqartariaqarpoq. Matumani taamaattoqanngimmat suliaq ataatsimiititaliamit suliarine-qarsinnaanngilaq.

Tamatuma peqatigisaanik Kalaallit Nunaanni Namminersorlutik Oqartussat suliaqartuussal-lu akornanni kiffartuussinissamik isumaqatigiissutit tunngavigalugit nunaqarfinni isorliu-nerusunilu ilaasunik angallassinertup ingerlatiinnarneqarnissaata akilernerneqarnissaanut anin-gaasartuutit matussutissaannik aningaasaliissuteqartoqartariaqartoq ataatsimiititaliap isuma-qatigiittoq isumaqarpoq.

Tassunga atatillugu suliaqartuussanut isumaqatigiissutit Aningaasaqarnermut Akileraar-tarnermullu Ataatsimiititaliap akuersineratigut naammassineqarnissaannut ukiumi aningaa-sanut inatsiseqarfiusumi 2015-imi aningaasaliissutinut inatsisaagallartumi § 6, imm. 1-imi Naalackersuisut inatsisitigut immikkut tunngavissaqartinneqarmata ataatsimiititaliamit oqaatigineqassaaq. Angallassinertup isumaqatigiissutit taamaattut piffissami qanoq sivisu-

tigisumi atuutissanersut aalajangersakkami allassimanngilaq, inatsimmili § 1, imm. 1-imi oqaaseqatigiinni kingullerni allassimavoq aningaasaliissutitut inatsisaasimasooq tunngavigalugu suliaassanik aallartinneqartunik ingerlatitseqqinnissamut Naalakkersuisut piginnaatinneqartut. 2014-imut aningaasanut inatsimmi atuuttumi kontomut pingaarnermut 35.01.05-imut, Ilaasunik angallassinermut tapiissutitut tunngasumut oqaasertaliussaqqarpoq piffissamut 2014-2023-mut angallannikkut isumaqatigiissusiornissamut tunngavissiisumik. Naak aningaasaliissutitut inatsisaagallartoq 2015-ip naanerani sivilunerusumik atuussinnaanngikkaluartoq kiffartuussinissamik isumaqatigiissutitut 2015-ip kingornanut atuussinnaasunik akuersinissamut inatsisitigut pisariaqartunik tunngavissaqqarsinnaasooq ataatsimiititaliaq isumaqarpoq.

Tamatuma saniatigut naak qinersisoqarnissaanik nalunaaruteqartoqaraluartoq angallannermut tunngasutigut kiffartuussinissamik isumaqatigiissutitut akuersinissamut ataatsimiititaliaq aningaasaliissutitut inatsisaagallartoq aqqutigalugu Inatsisartunit ersarissumik pisinnaatinneqartoq ataatsimiititaliamit oqaatigineqassaaq. Angallannermut tunngasutigut kiffartuussinissamik isumaqatigiissutitut missingiummik ataatsimiititaliap suliaqarnissaa akuersinissaalu tamatumani aamma naatsorsuutigineqartut oqaatigineqarsinnaasooq ataatsimiititaliap miserratinginngilaa.

Suliap nukingiussassaanera pissutigalugu aammalu 2015-imilu aningaasanut inatsisissamik Inatsisartut akuersinissaasa tungaanut Inatsisartut 2015-imi aningaasaliissutitut inatsiserigallagaat akuerineqaaqqammersooq tunngavigalugu Namminersorlutik Oqartussat ingerlataanik akornutitaqanngitsumik ingerlatitsiinnarnissamut Naalakkersuisunut piginnaatitsissut tunngavigalugu ataatsimiititaliamit siunnersuutigineqassaaq suliaqarfirmi kiffartuussinissamik isumaqatigiissutitut atuuttut sivitsorneqarallarnissaannik Naalakkersuisunit sulissutigineqassasooq.

Taamaattumik ataatsimiititaliap suleriaasiani § 9, imm. 5 naapertorlugu suliap suliarineqarnissaa itigartissinnaanagu Naalakkersuisut tamanna pillugu inassuteqaatissaat ataatsimiititaliamit utaqqimaarniarneqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut paasinnilluni Naalakkersuisunit inassuteqaatit Aningaasaqarnermut Akileraartarnermullu Ataatsimiititaliamit akuerineqarsinnaanngillat.

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap siulittaasua